

íslenzkri menningu, meðan þeir lífðu. En að öllum líkindum hafa þeir unnið kristninni hér á landi enn þá miklu meira gagn eftir dauða sinn, er þeir fyrir kraft kvenna og klerkadrauma—eða vitrana, sem vist má telja sérstaka tegund drauma—voru orðnir „ráðvaldar með guði”, eða dýrðlingar íslenzkui kyrkjunnar.

Að líkindum er það mikið dýrlingunum að þakka og „Guðmunde preste” hvað lítið ber á vantrú úr því kemur fram yfir 1200. Vantrúin er nú að vísu ekki svo lítill, sé miðað við það sem seinna varð. Þannig lézt Þorsteinn Þorlaugarson ekki vita hvort bein þau, sem Guðmundur prestur var að venja fólkis við að kyssa á, væri helgra manna bein eða hrossabein og stefndi Guðmundur honum þá „um guðlöстун” og fékk sjálfdæmi; 100 árum seinna hefði Þorsteinn líklega verið brendur fyrir. Enn bannfærði Guðmundur, eftir að hann var orðinn biskup, Kolbein Tumason, en „Kolbeinn ok öll alþýðan metr þat enkis”. Bannfæringarnar bitu betur á jafnvel forhertustu sálar þegar lengra leið á 13. öldina.

En hvað er þetta, sem nú var talið hjá þeirri vantrú, sem hafði komið fram áður á tínum og þó meir en 100 árum eftir kristnitökuna. Eg á við atvik eitt, sem segir frá í Þorgils sögu og Hafliða og mun slík vantrú, sem þar er lýst, naumast hafa verið eins dæmi. Það er á Alþingi árið 1120. Þorgils Oddasson segir við Böðvar Ásbjarnarson: „Pat mæla menn, at þú sér trúlaus mágr, og meðallagi góðgjarn”. Böðvar mælti: „Pat er ok satt er þú segir“.

Orð Böðvars eru afar eftirtektaverð. Kyrkjan var þá snemma á 12. öld, ekki búin að ná betra tangarhaldi á Íslendingum en þetta! Sá orðrómur gat legið á íslenzkum höfðingja, að hann væri trúlaus, það er að segja andlega óháður kyrkjanni, og hann játaði þetta hiklaust á sjálfu Alþingi, ef svo bar undir.

Svona mikið var andlegt frelsi hér á landi, á dögum þeirra Ara fróða og Sæmundar. Og ætli ekki hefði orðið daufari „ljóminn af frægðaröld Íslands”, hinarr fornu bókmentir vorar, ef andinn sá, sem kom fram í hinum helgu mönnum Jóni og